

- mich enwil ein wip niht an gesehen:
 die brâht ich in die wërdekeit,
 daz ir muot sô hôhe stât.
 jon weiz si niht, swenn ich min singen lâze, daz ir lop zergât.
- 5 Hërre, waz si flüeche liden sol,
 swenn ich nû lâze minen sanc!
 alle dies nû lobent, daz weiz ich wol,
 die scheltent danne ân minen danc.
 tûsent herze wurden frô
- 10 von ir genâden; dius engelent, scheidet mich von ir alsô.
 Dô mich dûhte daz si wære guot,
 wer was ir bezzer dô dann ich?
 dèst ein ende: swaz si mir getuot,
 sô mac si wol verwænen sich,
- 15 nimet si mich von dirre nôt,
 ir leben hât mins lebennes ère: sterbet sie mich, so ist si tôt.
 Sol ich in ir dienste werden alt,
 die wîle junget si niht vil.
 so ist min hâr vil lihte alsô gestalt,
 20 dazs einen jungen danne wil.
 sô helfe iu got, hër junger man,
 sô rechet mich und gêt ir alten hût mit sumeriaten an.

- D**ie mir in dem winter fröide hânt benomen,
 si heizen wip, si heizen man,
 25 disiu sumerzit diu müez in baz bekommen.
 ouwê daz ich niht fluochen kan!
 leider ich enkan niht mære
 wan daz übel wort unsælic, neinà! daz wær alze sère.
- Zwêne herzeliche flüeche kan ich ouch:
 30 die fluochent nâch dem willen min.
 hiure müezens beide esel und der gouch
 gehôeren è si enbizzen sîn.
 wê in denne, den vil armen!
 wess ich obe siz noch gerûwe, ich wolde mich dur got erbarmen.
- 35 Wan sol sîn gedultic wider ungedult:
 daz ist den schamelôsen leit.
 swen die bösen hazzent âne sine schult,